



JABATAN AKAUNTAN NEGARA MALAYSIA
CAWANGAN MIRI
ARAS 4, YU LAN PLAZA
JALAN BROOKE
98000 MIRI, SARAWAK
MALAYSIA

Tel: 085-442 183
Faxes: 085-423 103
Laman Web: www.anm.gov.my



Ruj. Kami : JANMIR/600-2/4/2(17)
Tarikh : 25 Februari 2026

**Pusat Pembayar Gaji
Bahagian Miri**

Tuan/ Puan

BANTUAN KHAS KEWANGAN TAHUN 2026

Dengan hormatnya merujuk kepada perkara di atas.

2. Sebagaimana dimaklumi, YAB Perdana Menteri telah mengumumkan pemberian Bantuan Khas Kewangan (BKK) Tahun 2026 sebanyak RM500 bagi membantu penjawat awam dan pesara dalam membuat persiapan menjelang perayaan Hari Raya Aidilfitri.

3. Selaras dengan keputusan tersebut, Unit Gaji JANM Cawangan Miri telah selesai memuatnaik data pegawai yang layak dibayar BKK Tahun 2026 pada 24 Februari 2026 seperti di Lampiran 1. Oleh yang demikian, tuan/puan adalah diminta membuat pengesahan dan mengemukakan Lampiran 1 sebelum 27.02.2026 (Jumaat) berdasarkan terma dan syarat seperti berikut:

3.1 Bayaran **LAYAK** diberikan kepada:

- (i) pegawai Perkhidmatan Awam, Gred 15 dan ke bawah atau setara, yang masih berkhidmat sehingga pada **13 Mac 2026** seperti berikut:
 - a) pegawai lantikan tetap, sementara dan lantikan kontrak (*Contract of Service* dan Pekerja Sambilan Harian)'
 - b) pegawai yang bercuti bergaji penuh;
 - c) pegawai yang bercuti separuh gaji;
 - d) pegawai yang bercuti tanpa gaji; dan

- e) pegawai yang dipinjamkan termasuk ke agensi yang diasingkan pengurusan saraannya, yang mana BKK ini akan dibayar oleh agensi yang meminjam pegawai berkenaan.
- (ii) personel MySTEP yang masih berkhidmat pada **13 Mac 2026**
- (iii) guru interim ;
- (iv) pemandu yang dilantik sendiri oleh pegawai Gred Utama B dan ke atas serta Gred Khas A dan ke atas yang layak pemandu tetapi tidak disediakan pemandu oleh jabatannya; dan
- (v) pemandu yang dilantik sendiri oleh Anggota Pentadbiran, Hakim dan Pesuruhjaya Kehakiman

3.2 Disamping itu, BKK ini dipanjangkan kepada pesara Kerajaan, veteran berpencen dan veteran tidak berpencen dengan bayaran sebanyak RM250 seperti berikut:

- (i) pesara Kerajaan yang menerima pencen termasuk pesara pilihan yang belum menerima pencen, penerima pencen terbitan di bawah undang-undang pencen, dan pesara skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan paksa (55/ 56/ 58/ 60 tahun), atau bersara Atas Sebab Kesihatan (ASK) pada atau sebelum **13 Mac 2026**. Pembayaran BKK akan dibuat oleh Jabatan Perkhidmatan Awam (JPA); dan
- (ii) veteran berpencen dan tidak berpencen yang mana akan dibayar oleh Jabatan Hal Ehwal Veteran (JHEV).

3.3 Bagi pesara Kerajaan dan veteran yang dilantik semula secara lantikan tetap, sementara dan COS yang masih berkhidmat pada **13 Mac 2026** layak dibayar sebanyak RM500. Pembayaran sebanyak RM250 akan dibuat oleh JPA atau JHEV, dan baki sebanyak RM250 akan dibayar oleh jabatan di mana pegawai sedang berkhidmat.

3.4 Seterusnya, pegawai yang meninggal dunia pada **13 Mac 2026** layak diberi BKK sebanyak RM500.

4. Untuk perhatian tuan/puan, BKK Tahun 2026 ini akan dibayar pada **13 Maci 2026** dan menjadi tanggungan jabatan di mana pegawai berkhidmat pada tarikh pembayaran tersebut. Pemberian BKK ini akan dikecualikan cukai pendapatan selaras dengan peruntukan di bawah subseksyen 127(3A) Akta Cukai Pendapatan 1967.

5. Maklumat yang telah dilengkapkan (*hardcopy*) perlu disahkan oleh Ketua Jabatan dan dikemukakan kepada JANM Cawangan Miri melalui surat rasmi. **Lampiran 1** yang telah disahkan juga perlu diemelkan bersama *softcopy* (*Excel*) kepada gaji_mri@anm.gov.my sebelum atau pada 27 Februari (Jumaat) jam 11.00 pagi. Segala kerjasama pihak tuan/puan berhubung perkara di atas amatlah dihargai.


Sekian, terima kasih.

"MALAYSIA MADANI"

"BERKHIDMAT UNTUK NEGARA"

"Inovasi Memperkasa Perakaunan Mampan"

Saya yang menjalankan amanah,


(MOHD NAZRI BIN HASSAN C.A.(M))
PENGARAH CAWANGAN
JABATAN AKAUNTAN NEGARA MALAYSIA
CAWANGAN MIRI